

ԻՆՏՈՒԻՏԻՎԻ ԵՎ ՏՐԱՄԱՐԱՆԱԿԱՆՔԻ ՓՈԽՀԱՐԱՐԵՐՈՒԹՅՈՒՆԸ
ՆՈՐ ԿԵՏԵԼԻՔՆԵՐԻ ՁԵՌՔԵՐՆԵՐՄԱՆ ՊՐՈՑԵՍՈՒՄ

ՄԵԼԱՆՅԱ ՀԱՐՈՒԹՅՈՒՆՅԱՆ

Ինտուիցիայի պրոբլեմի վերաբերյալ գոյություն ունեն բազմաթիվ ուսումնասիրություններ¹, սակայն այն իր վերջնական լուծումը չի ստացել. նշված հասկացության բազմաթիվ սահմանումներ դեռևս ճշգրտման կարիք ունեն թե՛ իմացաբանական, և թե՛ հոգեբանական տեսակետից: «Ինտուիցիա» հասկացությունն ունի բազմաթիվ նրբերանգներ, որոնք պետք է բացահայտվեն և ճշգրտվեն, մի կողմից, այդ պրոբլեմի շուրջ գոյություն ունեցող հետազոտությունների քննադատական վերլուծությամբ, մյուս կողմից՝ հիմք ընդունելով դրա հետ սերտորեն առնչվող «գիտակցական», «անգիտակցական», «ենթագիտակցական», «չգիտակցված» հասկացությունների վերաբերյալ դենտրիկայի (հատկապես կենսաբանության, ֆիզիոլոգիայի, հոգեբանության) բնագավառում ձեռք բերված ժամանակակից արդյունքների իմաստավորումն ու վերլուծությունը: Սակայն մեր խնդիրը ինտուիցիայի վերաբերյալ գոյություն ունեցող տեսակետների վերլուծությունը չէ և ոչ էլ «Ինտուիցիա» հասկացության ճշգրտումը: Ինտուիցիան ընդունելով որպես անգիտակցական ոլորտում գործող իմացական հնար կամ անգիտակցական մեխանիզմի գործունեության ձև, մեր նպատակն է պարզել, թե նոր գիտելիքի ձեռքբերման պրոցեսն ունի տրամաբանական, թե՛ փնտուիտիվ բնույթ: Այս հարցն այլ կերպ կարելի է ձևակերպել այսպես. ունի՞ արդյոք ինտուիցիան բանական նախադրյալներ, թե՛ գործում է ինքնին:

Գիտական գիտելիքի ձեռքբերման պրոցեսն ունի տրամաբանական բնույթ, պնդում է Բ. Կեդրովը՝ հիմք ընդունելով Դ. Մենդելեևի պարբերական համակարգի հայտնագործության իրական ընթացքի մանրակրկիտ վերլուծությունը²: Իր տեսակետը հիմնավորող փաստարկներից բացի, Կեդրովը բերում է նաև Ա. Ինոստրանցևի հիշողությունները պարբերական օրենքի հայտնագործության որոշ հանգամանքների մասին: Ըստ Ինոստրանցևի, Մենդելեևը երեք օր անընդհատ աշխատել է գրասենյակում՝ փորձելով աղյուսակում զուգակցել մտածական կառուցվածքների արդյունքները, որը նրան չի հաջողվել, և նա քնել է: Երազում Մենդելեևը տեսել է, որ էլեմենտները դասավորված են այնպես, ինչպես որ պետք է լինին, արթնացել է և դրանք իսկույն թղթին հանձնել: Կեդրովի հավաստմամբ, Ինոստրանցևի պատմածը դրեց

¹ П. К. Энгельмейер, Теория творчества, СПб., 1910; «Человек и творчество», М., 1913; В. Ф. Асмус, Проблема интуиции в философии и математике, М., 1963; Я. А. Пономарев, Психология творческого мышления, М., 1965; Ն ու յ ն ի՝ Психика и интуиция, М., 1967; Ն ու յ ն ի՝ Психология творчества, М., 1976; М. Бунге, Интуиция и наука, М., 1967; А. А. Налчаджян, Некоторые психологические и философские проблемы интуитивного познания, М., 1972; Brewster Gibbels, The Creative Process, University of California Press, Berkeley and Los Angeles, 1952, «Climate for Creativity», New York, 1972.

² Б. М. Кедров, 1869, Февраль, 17, понедельник. День одного великого открытия, М., 1958.

³ Ն ու յ ն տեղում, էջ 160—162:

այն առասպելի հիմքը, ըստ որի Մենդելեևը պարբերական օրենքը հայտնագործել է երազում: Այլ կերպ ասած, այն ինտուիտիվ, անգիտակցական գործունեության հետևանք է: Ըստ Կեդրովի՝ դա այդպես չէ: Նա գտնում է, որ պարբերական համակարգի ուղղումներով լեցուն բազմաթիվ տարբերակների գոյությունը վկայում է, որ այն կազմվել է աստիճանաբար և ավարտին է հասցվել միայն վճռական և համառ աշխատանքի շնորհիվ⁴: Հիշյալ համակարգում կատարված շտկումների քանակի հիման վրա կարելի է դատել, թե ինչպիսի որոշակիությամբ և լարվածությամբ է աշխատել Մենդելեևի միտքը յուրաքանչյուր էլեմենտի ամենաբնական դասավորության որոնումներում⁵, Ուստի, խոսք չի կարող լինել այն մասին, որ պարբերական համակարգի հայտնագործության պրոցեսն ունի ինտուիտիվ բնույթ: Անգիտակցական մեխանիզմի գործունեության դերը, նրա կարծիքով, արդեն հայտնագործած համակարգի ավելի հարմար աղյուսակային ձևակերպման մեջ է: Ձի կարելի համաձայնել Կեդրովի այն պնդմանը, թե պարբերական համակարգի հայտնագործության պրոցեսում ինտուիցիան երկրորդական դեր է կատարում: Հայտնագործության իրական ընթացքի վերաբերյալ ինստրուկցիոն պատմածը ճիշտ է, եթե նկատի ունենանք ժամանակակից բնագիտական հայտնագործությունների վերլուծությունները (ստորև դրանց կանդրադառնանք ավելի հանդամանորեն): Այստեղ միայն ավելացնենք, որ անգիտակցական մեխանիզմի գործունեությունը, որը հանգեցրեց պարբերական համակարգի հայտնագործության, գիտակցական մեխանիզմի լարված, համառ աշխատանքի հետևանք է: Արարման⁶ պրոցեսն ունի տրամաբանական-ինտուիտիվ բնույթ, որտեղ վճռական խոսքը պատկանում է վերջինիս:

Ինտուիցիայի և բանականության փոխհարաբերության հարցը, թեև ոչ ուղղակիորեն, դրվել և ճիշտ հակառակ լուծումն է ստացել Ա. Բերգսոնի «Ստեղծագործական էվոլյուցիա»⁷ աշխատության մեջ, ուր նա փորձել է ցույց տալ իմացության նշված ձևերի միասնական կապը, սակայն հիմնականում շեշտը դրել է դրանց տարբերությունների վրա⁸: Իմացության հիշյալ ձևերը նա առանձնացրել է ըստ հետազոտության օբյեկտների, գործողության ոլորտների և դրանց կողմից ստացվող գիտելիքների բնույթի⁹: Վերլուծելով բանականության հնարավորությունները, Բերգսոնը հանգել է այն եզրակացության, թե բոլոր գիտելիքները չեն, որ կարող են ձեռք բերվել բանականության միջոցով: Ըստ նրա՝ վերջինիս մատչելի է միայն տեսությունների բնագավառը: Դրական գիտությունները զուտ բանականի ստեղծագործության արդյունք են: Բանականությունը, նրա կարծիքով, անկաշկանդ է հատկապես պինդ մարմինների շրջանում: Մեր տրամաբանությունը զխավորապես պինդ մարմինների տրամաբանություն է, ուստի պատահական չէ, որ այն լավագույնս դրսևորվում է երկրաչափության բնագավառում¹⁰: Սակայն, երբ բանականությունը դուրս է գալիս իր սահմաններից և անցնում է կյանքի ուսումնասիրությանը, ապա այն, ըստ Բերգսոնի, իր սեփական մեթոդներն առանց փոփոխության կիրառում է կյանքի նկատմամբ: Ինտուիցիան, նրա կարծի-

4 Նույն տեղում, էջ 163:

5 Նույն տեղում, էջ 164:

6 Մեր կարծիքով «ստեղծագործություն» հասկացության փոխարեն տեղին է օգտագործել «արարում», քանի որ այն ունի այնպիսի երանգներ, որոնք հնարավորություն են տալիս արտահայտել նոր գիտելիքի ծագման պրոցեսի հետ կապված դժվարությունները, հատկապես տառապանքը:

7 А. Бергсон, Собрание сочинений, т. I, Творческая эволюция, изд. М. И. Семе-менова, СПб.

8 Նույն տեղում, էջ 122, 123, 126, 140, 143, 156:

9 Նույն տեղում, էջ 122—131:

10 Նույն տեղում, էջ 172—173:

ըրգ, օգտագործելով բանականության բուն մեխանիզմը, ցույց է տալիս, որ միտքն իր դուռ տրամաբանական ձևով չի կարող ներկայացնել կյանքի իրական ընդլայնումը, էվոլյուցիոն շարժման խոր իմաստը, դարգացումը, փոփոխության անընդհատությունը։ Այսինքն՝ ինտուիցիան իր սեփական աշխատանքով նախալզացնել է տալիս, որ անհրաժեշտ է ճշգրտել բանական իմացության սահմանները¹¹։ Ավելի որոշակի՝ բանականությունը ստեղծված չէ, որպեսզի պատկերացնի կյանքը, քանի որ այն ճառագայթում է հենց կյանքից և նրա տեսակներից մեկն է։ Բացի այդ, բանականությունը հերքում է արարումը¹²։ Այստեղից հետևում է, որ մեր մտածողության կատեգորիաները (միասնություն, բազմաբանկություն, մեխանիկական պատճառականություն, բանական նպատակահարմարություն) չի կարելի կիրառել կենդանի առարկաների նկատմամբ¹³։

Բերգսոնի կարծիքով, այն, ինչ անմատչելի է բանական իմացությանը, մատչելի է ինտուիցիային։ Վերջինս բանական համակրանքի (սիմպատիայի) այնպիսի ձև է, որի միջոցով մարդը տեղափոխվում է օբյեկտի ներսը, որպեսզի միաձուլվի իր սեռի մեջ եզակիի և, հետևաբար, շարտահայտվողի հետ։ Իսկ այս հանգամանքը (ինտուիցիայի այսպիսի ունակությունը) հնարավորություն է ընձեռում ըմբռնել այն ամենը, ինչ արտաքին է բանականի համար¹⁴։ Այստեղ Բերգսոնը նկատի ունի շարժումը, փոփոխությունը, ընդհանրապես կյանքը։ Ոգին, պատմությունը և ամենից առաջ՝ բացարձակը։ Ըստ նրա՝ ինտուիցիան հնարավորություն է ընձեռում ըմբռնելու կյանքի թաքնված կողմերը, անկրկնելի և ունիվերսալը, զուտ կամ ճշմարիտ գիտելիքները։ Նրա կարծիքով, իմացության ինտուիտիվ եղանակը տալիս է կատեգորիկ նախադասություններ։ Մինչդեռ բանականը, որի խնդիրն է նախադրյալներից եզրակացություններ բխցնելը, միշտ արտահայտվում է հիպոթետիկ ձևով¹⁵։ Բերգսոնը գտնում է, որ հարաբերական գիտելիքի կոնկրետ ձևերը մատչելի են միայն ձևադատողական վերլուծությանը¹⁶։

Բերգսոնի՝ բանականության և ինտուիտիվ իմացության ոլորտների սահմանազատումը, ընդհանուր առմամբ, ճիշտ է։ Նմանօրինակ սահմանազատում, թեև յուրահատուկ ձևով, կատարեցին նաև էյնշտեյնը, Պուանկարեն։ Այլ կերպ ասած, այս հարցում Բերգսոնի տեսակետն աղերսներ ունի էյնշտեյնի և Պուանկարեի տեսակետների հետ¹⁷։

Չնայած «Ստեղծագործական էվոլյուցիա» աշխատությունում ինտուիցիայի և բանականության միասնական կապը հիշեցնող առանձին հատվածների առկայության, այնուամենայնիվ, ի տարբերություն Պուանկարեի և էյնշտեյնի, իմացական նշված հնարների Բերգսոնի առանձնացումը ստանում է բացարձակ բնույթ¹⁸։ Դեռ ավելին, ըստ նրա նոր գիտելիքի աղբյուրը ինտուիցիան է, ինչ վերաբերում է բանականությանը, ապա այն կատարում է երկրորդական դեր։ Սահմանազատելով իմացության հիշյալ ձևերը, Բերգսոնը ինտուիցիայի որոշ սահմանումներում փորձում է բացահայտել նաև այն դերը, որ ունի վերջինս բանականության նկատմամբ։ Այսպես, նրա կարծիքով ինտուիցիան բանականության կազմակերպող նախասկզբն է։ Այն կուտ կառուցված շենք է, որի հիմքը ինտուիցիան է, որը չի երևում, և մարդիկ աստի-

11 Նույն տեղում, էջ 156։

12 Նույն տեղում, էջ 143։

13 Նույն տեղում, էջ 156։

14 Նույն տեղում, էջ 155։

15 Նույն տեղում, էջ 131։

16 Նույն տեղում, էջ 130։

17 А. Эйнштейн, Собрание научных трудов, т. 4, М., 1967, с. 263, 351;

А. Пуанкаре, Ценность науки, М., 1966, с. 17.

18 А. Бергсон, *նշվ. աշխ.*, էջ 236։

ձանաբար մոռանում են ոչ միայն նրա գործառնությունները, այլև՝ գոյությունը¹⁹։ Ինտուիցիան ամբողջը մասերից շուտ տեսնելու մարդու յուրահատուկ ունակությունն է, խնդրի ակնթարթային լուծման ունակությունը, այն կռահում է գիտակցության, բանականության գործունեությունը՝ վերջինիս թողնելով միայն ստացված արդյունքների ձևատրամաբանական ֆիքսումը²⁰։ Բանականության կողմից խլացված ինտուիցիան նման է մարդկային, որը բոցավառվում է ժամանակ առ ժամանակ, մի քանի ակնթարթ՝ նրա կենսական հետաքրքրությունների դեպքում։ Նրա լույսը լուսավորում է մեր եսը, մեր աղատությունը, ամբողջ տիեզերքում մեր զբաղեցրած տեղը, մեր ծագումը և նույնիսկ մեր ճակատագիրը։ Բոցավառվելով մարդու կյանքի ամենաձակատագրական պահերին, ինտուիցիան պայծառացնում է բանականության թողած գիշերային խավարը²¹։ Եթե ինտուիցիայի բերգստեղծ հիշյալ սահմանումներից հանենք շատերին թվացող միստիկական քողը, ապա դժվար չէ տեսնել, որ դրանք աղերսներ ունեն ժամանակակից մի շարք հեղինակների սահմանումների հետ²²։ Դա հատկապես արտահայտվում է նրանում, որ ժամանակակից բազմաթիվ հեղինակներ ինտուիցիան, Բերգսոնի նման, համարում են անգիտակցականի ակտիվության ձև, խնդրի ակնթարթային լուծման ունակություն։ Եվ, վերջապես, շատերը, Բերգսոնի նման, չեն ժխտում ինտուիցիայի արդյունքների ձևատրամաբանական ֆիքսումը։ Սակայն Բերգսոնը բանականության և ինտուիցիայի փոխհարաբերության հարցը լուծեց մետաֆիզիկորեն²³։ Իրավացիորեն ընդգծելով բանականության նկատմամբ ինտուիցիայի կատարած դերի կարևորությունը, Բերգսոնը մերժեց այն, որ բանականությունը նույնպես վճռական դեր կարող է կատարել ինտուիցիայի համար։ Այս կապակցությամբ տեղին է Բուենգեի այն արտահայտությունը, որ ինտուիցիան ոչինչ է առանց ակտիվացման։ Եթե չլինեք բանականությունը, ինտուիցիան առայսօր կմնար որպես դատարկ արտահայտություն²⁴։

Գիտական գիտելիքի ձեռքբերման պրոցեսում ինտուիցիայի և բանականության փոխադարձ դիալեկտիկական կապի լավագույն ապացույցը գիտնականների արարման պրոցեսի ինքնավերլուծության արդյունքներն են։ Այլ կերպ ասած, հիշյալ հարցի դիալեկտիկամատերիալիստական լուծման օգտին իբրև փաստարկներ կարող են ծառայել արարման պրոցեսի ինքնավերլուծության արդյունքները։

Կանգ առնենք դրանցից մի քանիսի վրա։

Էյնշտեյնի ինքնակենսագրական սովյալները վկայում են, որ նա հարաբերականության հատուկ սկզբունքը ստացել է տասը տարվա խորհրդածություններից հետո՝ հետևյալ պարագրեսից. «Եթե սկսեի շարժվել լույսի ճառագայթի հետևից C արագությամբ, ապա պետք է ընկալեի լույսի այնպիսի ճառագայթ, ինչպիսին է դադարի մեջ գտնվող և տարածության մեջ փոփոխական էլեկտրամագնիսական դաշտը։ Սակայն, ինչպես փորձը, այնպես էլ Մաքսվելի հավասարումները ցույց են տալիս, որ այդպիսի բան գոյություն չունի։ Հենց սկզբից ինտուիտիվ ձևով պարզ է, որ այդպիսի դիտողի տեսականությամբ ինչ պետք է կատարվի նույնպիսի օրենքներով, ինչպես և երկրի նկատմամբ անշարժ դիտողի համար։ Այդ պարագրեսի մեջ արդեն պարունակում են հարաբերականության հատուկ տեսության սաղմերը²⁵։ Ուրեմն, էյնշտեյնի նախնական գիտակցական աշխատանքը, որը գործողության մեջ դրեց անգիտակցական մեխանիզմը, տևեց ավելի քան տասը տարի։ Նրա

¹⁹ Նույն տեղում, էջ 237։

²⁰ Նույն տեղում, էջ 156։

²¹ Նույն տեղում, էջ 237։

²² Д. Поля, Математическое открытие, М., 1970; В. И. Орлов, Трактат о вдохновении, рожающем великие изобретения, М., 1964.

²³ А. Бергсон, Եղվ. աշխ., էջ 237։

²⁴ М. Бунге, Եղվ. աշխ., էջ 23։

²⁵ А. Эйнштейн, Եղվ. աշխ., էջ 278։

ինտուիցիային նախորդող գիտակցական աշխատանքի շրջանը վերաբերում է դասական էլեկտրադինամիկայի, Լորենցի ձևափոխությունների, Մալքելսոն-Մոուլիի փորձի, է. Մախի աշխատությունների ուսումնասիրությանը, յուրացմանը, իմաստավորմանը, որ կարելի է համարել նոր պրոբլեմի առաջադրման հիմք։ Այլ կերպ ասած, նախնական գիտակցական աշխատանքն այդպիսի ուղղվածություն ունի։ Եվ չնայած նախնական գիտակցական ջանքերը չեն լուծում պրոբլեմը, սակայն դրանք, էյնշտեյնի առտահայտությունմբ, արթնացնում են «հանձարեղ ինտուիցիան և նուրբ կռահողությունը»։

Էյնշտեյնի կարծիքով, գիտակցական աշխատանքի արդյունավետությունը սերտորեն կապված է նաև անձի բնավորության որոշակի առանձնահատկությունների հետ²⁶։ Ահա թե ինչ է ասում նա Մ. Սկլադովսկայայի մասին. «Ամբողջ կյանքի ամենաշնչանավոր սխրագործությունը ռադիոակտիվ տարրերի գոյության ապացույցն է և դրանց ստացումը։ Դրանով նա ոչ միայն պարտական է համարձակ ինտուիցիային, այլև՝ գործին նվիրվածությանը, աներեւակայելի դժվարին պայմանների հաղթահարման համառ կամքին»²⁷։ Ապա էյնշտեյնը շարունակում է. «Մ. Ս. Կլուդին բացառիկ ուժեղ, համարձակ, հավաստակլույթած, համառ, անկախ անձնավորություն է»²⁸։ Էյնշտեյնը իրավացի է, քանի որ հիշյալ հատկանիշներով օժտված անձնավորության մոտ գիտակցական աշխատանքն ավելի նպատակասլաց է ու արդյունավետ, թեև կուղև ալն պատճառով, որ այն կարող է կրճատել, Ա. Պուանկարեի, Ա. Ժակի արտահայտությամբ՝ «անգիտակցական մեխանիզմ գործունեության տևողությունը»։ Ըստ երևույթին, այդ հանգամանքը նկատի ունենի սովետական որոշ հեղինակներ, երբ ստեղծագործության պրոբլեմը կապեցին անձի պրոբլեմի հետ²⁹։

Այսպիսով, ինտուիտիվ փայլատակումն ունի բանական, նախադրյալներ, այսինքն՝ վերջինիս բոլոր դեպքերում նախորդում է գիտակցական աշխատանքը՝ լինի այն ինտենսիվ, թե ոչ ինտենսիվ։ Այս կապակցությամբ, թերևս, ավելորդ չէ իբրև փաստարկ նշել Բունզեի բերած օրինակը։ Նա վկայում է, որ Կեկուլեն ավելի քան տասը տարի աշխատել է բենզոլի կառուցվածքի պրոբլեմի վրա, սակայն նրա ոգեշնչման վայրկենական փայլատակումն ի հայտ է եկել բաղմամթիվ փորձերից հետո, որպես նախապատրաստական, ինկուբացիոն փուլերի գուգորդման պահ³⁰։ Ըստ Բունզեի՝ Կեկուլեի մոտ պայծառացման պահին առկա էին հիպոթեզի բոլոր տարրերը և նրա էմպիրիկ ապացույցները հաստատող մասը, սակայն դեռևս անջատ-անջատ էին Բունզեի կարծիքով, փայլատակումից հետո էլ Կեկուլեի աշխատանքն ուներ գիտակցական բնույթ։ Նման աշխատանքի խնդիրն ինտուիցիայի արդյունքների մշակումն է՝ համոզվել այն բանում, թե դրանք համապատասխանո՞ւմ են արդյոք էմպիրիկ տվյալներին, թե՞ ոչ³¹։

Մեզ հետաքրքրող տեսանկյունից արժեքավոր է Պոյայի հետևյալ դրույթը. նոր գաղափարի ծագումը կամ լույսի հանկարծակի առկայծումը հետեւանք է լարվածությունների և տատանումների տեական շրջանի, որը պարզություն, կարգ, կապ, նպատակահարմարություն է մտցնում մինչ այդ աղուտ, անկանոն, խճճված մանրամասների մեջ³²։ Ուրեմն, ըստ Պոյայի, իմա-

26 Նույն տեսակետին է նաև Բրոնշտեյնը. նա գտնում է, որ «այդ գաղափարները բացահայտելու համար անհրաժեշտ է խորաթափանցություն, հնարամտություն, համառություն, հաստատականություն, արիություն, համարձակություն (М. П. Бронштейн, Атом и электроны: Загадка радиоактивности, М., 1980, с. 11)»։

27 А. Эйнштейн, նշվ. աշխ., էջ 192—193։

28 Նույն տեղում։

29 «Человек, творчество, наука», М., 1967.

30 М. Бунге, նշվ. աշխ., էջ 114։

31 Նույն տեղում, էջ 115։

32 Д. Поля. նշվ. աշխ., էջ 195։

ցության ինտուիտիվ ձևի գործողության պատճառը նույնպես բանականության լարված աշխատանքն է:

Այն, որ անգիտակցական մեխանիզմի գործողության պատճառը նախնական գիտակցական աշխատանքն է, իր հավաստումը գտավ Ա. Պուանկարեի և Ա. Ժակի՝ մաթեմատիկայի բնագավառում կատարած արարման պրոցեսի վերլուծության արդյունքներում: Հիմք ընդունելով հատկապես իր անձնական փորձը, Պուանկարեն տվեց հայտնագործության պրոցեսի հիպոթետիկ մոդելը, ուր նա փորձում է ցույց տալ, թե ինչպիսի դեր են խաղում հայտնագործության պրոցեսում անգիտակցականը և գիտակցականը (թե ո՞րն է անգիտակցականի և գիտակցականի դերը հայտնագործության պրոցեսում): Պուանկարեի կարծիքով, անգիտակցական ես-ը կարևոր դեր է խաղում մաթեմատիկական ստեղծագործության մեջ³³, Այն բնավ էլ ստորագրույն չէ գիտակցական ես-ի նկատմամբ: Ընթացիտակցական ես-ը³⁴, ըստ նրա, ունակ է առողջ դատել, ունի շափի զգացում, զգայունակություն, կարող է ընտրել և կոհհիս գիտակցությունից էլ լավ³⁵, Նշելով անգիտակցական³⁶ աշխատանքի կարևոր դերը, Պուանկարեն միաժամանակ ընդգծում է, որ անգիտակցական աշխատանքը հնարավոր կամ գոնե արդյունավետ է այն դեպքում, եթե վերջինիս նախորդում է գիտակցական աշխատանքը: Սակայն Պուանկարեն չի սահմանափակվում միայն այն փաստի արձանագրությամբ, որ նախնական գիտակցական ջանքերը գործի են դնում անգիտակցական մեխանիզմը, նա փորձում է ցույց տալ, թե ինչպես է դա տեղի ունենում³⁷: Զուգորդումների ապագա տարրերը նույնացնելով էպիկուրի ատոմ կեռիկների հետ, Պուանկարեն գտնում է, որ ուղեղի լրիվ հանգստի ժամանակ դրանք կարծես ամրացված են պատին: Սակայն պարզվում է, որ թվացող հանգստի՝ անգիտակցական աշխատանքի ժամանակ ատոմներից մի քանիսն առանձնացված են պատից, և շարժման մեջ դրված. փոխադարձ բախումների հետևանքով առաջանում են նոր զուգորդումներ: Նրա կարծիքով, նախնական գիտակցական աշխատանքի դերը որոշ ատոմների մոբիլիզացիան, դրանց պատից առանձնացնելը և շարժման մեջ դնելն է: Ըստ նրա՝ առանձնացված, ընտրված ատոմներն առաջին պատահածները չեն, այլ այնպիսիները, որոնցից բանական է սպասել որոնելի լուծումը³⁸, Շարժման մեջ դրված ատոմները, բախվելով միմյանց և անշարժ ատոմներին, կազմում են զուգորդումներ: Ըստ Պուանկարեի՝ դրանցից գիտակցության տեսադաշտն են ընկնում միայն հետաքրքրականները, այսինքն՝ այնպիսիները, որոնք ներդաշնակ են, ուստի և գեղեցիկ ու օգտակար: Այդ զուգորդումներն ամենախոր ձևով ներգործելով մարդու գեղագիտական զգացման վրա, արթնացնում են նրան հատուկ երկրաչափական ինտուիցիա, որը մարդու ուշադրությունը հրավիրում է այդ

33 А. Жак, Исследование психологии процесса изобретения в области математики, М., 1970, с. 140; Brewster Gibiselin, նշվ. աշխ., էջ 33;

34 Պուանկարեի ամբողջ ջանքերն ուղղված էին արարման պրոցեսում ենթագիտակցականի վիթխարի դերի բացահայտմանը: Նկատի ունենալով այս հանգամանքը, լպետք է համաձայնել Նալաշյանի այն տեսակետին, ըստ որի Պուանկարեն ավելի խոր չի վերլուծում ենթագիտակցականի միջամտությունը (А. Налчаджян, նշվ. աշխ., էջ 60):

35 А. Жак, նշվ. աշխ., էջ 143; Brewster Gibiselin, նշվ. աշխ., էջ 32—34.

36 Նույն կոնտեքստում Պուանկարեն օգտագործում է մերթ անգիտակցական, մերթ անգիտակցական՝ հասկացությունները: Ստեղծվում է այնպիսի տպավորություն, թե նրա նշած հասկացությունները նույնական են: Իրականում դրանք նույնական չեն: Սակայն մեր խնդիրը չէ վերլուծել «ենթագիտակցական», «անգիտակցական հասկացությունների էությունը» (А. Жак, նշվ. աշխ.):

37 Նույն տեղում, էջ 144:

38 Նույն տեղում:

դուրդողումների վրա և այսպիսով հնարավորություն ընձեռում, որպեսզի վերջիններս դառնան գիտակցված³⁹:

Պուանկարեն հիմնավորեց ոչ միայն նախնական, այլև՝ հետագա գիտակցական աշխատանքի անհրաժեշտությունը⁴⁰, նա գտավ, որ անգիտակցական աշխատանքից հետո գիտակցության այդ նոր ելույթն անհրաժեշտ է ինտուիտիվ փայլատակման արդյունքների հետազոտման, դրանց ստուգման, ճշգրիտ արտահայտության համար:

Այսպիսով, ըստ Պուանկարեի, արարման պրոցեսն ընթանում է շորս փուլով՝ նախնական գիտակցական աշխատանք, անգիտակցական աշխատանք, ինտուիտիվ փայլատակում և հետագա գիտակցական աշխատանք: Արարման պրոցեսի նույնպիսի փուլեր արձանագրեց նաև Ա. Ժակը: Մեր կարծիքով, արարման պրոցեսի նույնպիսի փուլերը կարելի է առանձնացնել նաև ըստ իմացական ձևերի գործառություն: Այդ առումով արարման պրոցեսը կարելի է բաժանել հետևյալ փուլերի. պատրաստի դիտելիքների (նախորդ տեսական ժառանգության) յուրացում, իմաստավորում, պրոբլեմի առաջադրում, պրոբլեմի լուծում, սխեմեի կառուցում: Իրականում այս փուլերն օրգանապես միասնացված են. առանձնացումը կատարում ենք միայն վերացարկման մակարդակում: Եթե առաջին և չորրորդ փուլերն ունեն զուտ տրամաբանական բնույթ, ապա երկրորդը և երրորդը ինտուիտիվ-տրամաբանական են: Իսկ ինչպիսի՞ բնույթ ունի նշված փուլերից յուրաքանչյուրը: Այլ խոսքով՝ իմացական ինչպիսի՞ ձևեր են գործում այդ փուլերից յուրաքանչյուրում: Պատրաստի դիտելիքների յուրացման փուլը, ըստ էության, ունի տրամաբանական բնույթ: Համապատասխան տվյալների առկայության դեպքում դրանից է կախված մնացած փուլերի արդյունավետությունը: Ինչ վերաբերում է երկրորդ և երրորդ փուլերին, ապա դրանք, ըստ էության, ունեն ինտուիտիվ բնույթ. դրանցում դործում է անգիտակցական մեխանիզմը: Չորրորդ փուլն առաջինի պես ունի զուտ տրամաբանական բնույթ: Այստեղ խոսքը նոր հայտնագործությունների համակարգման և դասակարգման մասին է:

Իր սեփական փորձի և Պուանկարեի ինքնավերլուծության արդյունքների հիման վրա, Ա. Ժակը ցույց տվեց, որ անգիտակցական աշխատանքն առանց պատճառի գործողություն չէ⁴¹: Այլ կերպ ասած, հետեւելով Պուանկարեին, նա նույնպես հանգեց այն եզրակացության, որ ինտուիտիվ փայլատակումը չի կարելի բացատրել զուտ պատահականությամբ, թեև, ըստ նրա, պատահական գործոնը կարևոր դեր է կատարում անգիտակցականի ոլորտում՝ զուգորդումների ձևավորման պրոցեսում⁴²: Հիմնավորելով նախնական գիտակցական աշխատանքի անհրաժեշտությունը, Ա. Ժակը հատուկ ուշադրություն դարձրեց անգիտակցականի վրա: Ի. Տարբերություն Ա. Պուանկարեի, նա առանձնացրեց «անգիտակցական» և «ենթագիտակցական» հասկացությունները: Ա. Ժակի կարծիքով, անգիտակցականը հաջորդական շերտերի մի ամբողջ շարք է, որոնցից ամենամակերեսայինը եզրային գիտակցությունն է կամ ենթագիտակցականը, իսկ ամենախոր շերտերը կապված են ոգեշնչման հետ⁴³, Ուրեմն, Ա. Ժակը «ենթագիտակցական» հասկացությունը ներմուծել է նշանակելու համար մակերեսային անգիտակցական պրոցեսները⁴⁴:

Վերանալուծ անգիտակցականի էության Ա. Պուանկարեի և, հատկապես, Ա. Ժակի կատարած վերլուծության մանրամասներից, ասենք, որ մեզ հետաքրքրող հարցի (այսինքն՝ ունի՞ արդյոք ինտուիցիան բանական նա-

39 Նույն տեղում, էջ 142—143:

40 Նույն տեղում, էջ 141:

41 «Անգիտակցական աշխատանք» հասկացության փոխարեն Ա. Ժակը հաճախ օգտագործում է «բնկուրացիա» (նույն տեղում, էջ 44):

42 Նույն տեղում, էջ 35:

43 Նույն տեղում, էջ 29, 106:

44 Նույն տեղում:

խաղրլալներ, թե ոչ), դրական լուծման առումով ընգհանրապես, արարման պրոցեսի նրանց ըմբռնումները բավական հիմնավոր փաստարկներ են: Այլ կերպ ստած, թե՛ նշանավոր գիտնականների կենսագրական փաստերի վերլուծությունը, թե՛ արարման պրոցեսի ինքնավերլուծության արդյունքներն այն բանի լավագույն ապացույցն են, որ ինտուիցիան որպես անգիտակցականի ոլորտում գործող իմացական հնար սերտորեն կապված է բանականության հետ՝ հանձինս նախնական գիտակցական աշխատանքի: Սակայն, մեր կարծիքով, ամեն մի գիտակցական աշխատանք չէ, որ կարող է ներքին պոտենցիան վերածել կինետիկայի կամ պատճառ դառնալ անգիտակցական մեխանիզմի գործունեության: Եթե պորբլեմը ներթափանցել է գիտնականի էության մեջ՝ կազմելով դրա անբականի մասը և եթե նա նախկին գիտելիքների անհրաժեշտ պաշարի հետ միասին ունի նաև բնավորության այնպիսի հազվադեպ հատկություններ, ինչպիսիք են աշխատասիրությունը, կենտրոնանալու կարողությունը, կամքի ուժը, համառությունը, ապա միայն այս ղեպքում նրա գիտակցական աշխատանքը կարող է արթնացնել ինտուիցիա: Դեռ ավելին, գիտակցական աշխատանքի խորությունը և տառապանքի աստիճանից է կախված ինկուբացիայի տևողությունը: Եվ, ընդհակառակը, բնածին հատկությունների կամ, Ա. Պուանկարեի արտահայտությամբ, ինտուիցիայի զարգացման աստիճանից է կախված նախնական գիտակցական աշխատանքի⁴⁵ տևողությունը: Սա նշանակում է. անգիտակցականի և գիտակցականի փոխհարաբերությունն ունի դիալեկտիկական բնույթ: Բացի այդ, ինչպես վկայում են հիշյալ փաստարկները, նոր գիտելիքի ձեռքբերման պրոցեսն ունի ինտուիտիվ-տրամարանական բնույթ, և դրանց կապը փոխադարձ դիալեկտիկական է: Թեև նոր գիտելիքի ձեռքբերման պրոցեսում ինտուիցիայի մասնակցությունը անմիջական է, այնուամենայնիվ առանց նախնական գիտակցական աշխատանքի այն չի կարող արթնանալ և գործել:

ВЗАИМООТНОШЕНИЕ ИНТУИТИВНОГО И ЛОГИЧЕСКОГО В ПРОЦЕССЕ ПРИОБРЕТЕНИЯ НОВЫХ ЗНАНИЙ

МЕЛАНΙΑ АРУТЮНЯН

Резюме

Имеет ли процесс приобретения новых знаний интуитивный или логический характер? Актуальность данного исследования состоит не только в познавательности, но и в возросшем в настоящее время интересе к данной проблеме как в советской, так и в зарубежной логико-методологической, философской и психологической литературе.

Известны различные точки зрения по данному вопросу. Анализ биографических фактов известных ученых и результаты самоанализа творческого процесса доказывают, что процесс приобретения новых знаний имеет логически-интуитивный характер.

⁴⁵ Մեր կարծիքով, նախնական գիտակցական աշխատանքը կարելի է որակավորել որպես ներքին պոտենցիալ հնարավորությունների հայտնաբերման միջոց: Դրանց բացակայության դեպքում գիտակցական աշխատանքը կունենար ոչ արդյունավետ բնույթ: